

La Banca chantunala ed il HCD prolungeschan lur partenadi da sponsoring

■ (cp) La Banca Chantunala Grischuna ed il Club da hockey da Tavau prolungeschan lur partenadi da sponsoring ch'exista dapi il 1999 per ulteriurs trais onns fin il 2016. La banca tutga damai era vinavant tar ils tschintg sponsurs principals dal club da hockey sin glatsch. La Banca Chantunala Grischuna sustegna il HCD en il rom da ses engaschi da sponsoring dapi il 1999. Questa collavuraziun cuntinua ussa fin il 2016. Il president dal HCD, *Gaudenz Domenig*, sa legra ch'il partenadi cumprovà cuntinua: «Il sustegn da la BCG è per nus ina ferma pitga. Nossa cuntraprestaziun è il success sportiv constant sut il trenader principal *Arno Del Curto* cun tschintg titels da campium e dus titels da vicecampium.» Per *Alois Vinzens*, CEO da la Banca Chantunala Grischuna, sa basa quest'istorgia da success da blers onns sin il fatg che omdus partenaris sa sentan obligads a las medemas valurs: «Il HCD simbolisescha per mai a moda impressiunanta



l'attaschadadad cun il Grischun ed a medem temp cumpetenzza – valurs ch'èn er impurtantas per la BCG.» La Banca prolungeschia il contract da sponsoring cun plashair e persvasiun, ha accentuà *Alois Vinzens*. Quai betg il davos sin fundament da la lavur professiunala ch'è vegnida fatga ils ultims onns tar il Club da hockey da Tavau.

La Banca Chantunala Grischuna na s'interessa però betg mo per l'emprima squadra dal HCD. Cun la scola da hockey BCG promova la banca era la generaziun giuvna. Cun quest sustegn surpiglia la BCG responsablada sociala e contribuescha sia part a la promoziun dal sport da massa ed a la qualitat da viver en il Grischun.

La Banca Chantunala Grischuna ed il Club da hockey da Tavau prolungeschan lur partenadi da sponsoring ch'exista dapi il 1999 per ulteriurs trais onns fin il 2016.